

GTJINISGAM TAN TELEG

Gtjinisgam tapogol oetji ginoitelmotjel: mset gôgoel gisitôgsepenel angaptemagol ag mset gôgoel esenel getlamsetemagol.

Neogtetjit Nisgam ag mo gisi gagaisiog: netna negem gisitôgsepen oasôg ag magamigeo, ag mset gôgoel gisitôgsepeni, oagela mset falsotgel.

Sag metj eiges, nigetjeig ag metj iteo gesemenag gôgoelngoog mōgoetj taml eimogsep, onisgameotig eta sig eiges.

Maoenel gisigogsepenel, elp negem mo gisisiogsepen, sag ôgotj metj eiges neogtetjis negem.

Oasôg eig, magamigeo eig, mset eta pa tan telgig gisitasis mset pa eig, ag mōgoetj esgoi imog.

Ot eimogo eig, sgato mo nemiat, negem sig nemolg; talnemianes ta? mo ôgotj elnoi ginoamogslog, sig pa nisgameoit, golaman mo nemiat.

Metj eta pa nantem nemolg; tllatj lamgamog imogo, metj nemolgos; maoenel ôgotj gisi laligasitagogol.

Mentoagig elp eig, sgato mo gesinogoag, mōgoetj metjetjalogog, oasôg teli oleg mentoagig teli oleg; sig natel eloeoktilitj telti onmatjipenelatj.

Mo sgato eoageoamogslog, eln pa oetjijagamitjolt, mset gôgoel gagan-negel, gagaptegol, gaggegel.

Neogtetjit pa Nisgam ag mo gisi gagaisiog, eln tepetog nesisitjig neogti nisgameoitjig, Oegoisit ag Eogtjit ag Oetjioi Nisgam netna teloisoltitjig.

Oegoisit nisgameoit, Eogtjit nisgameoit, ag Oetjioi Nisgam tetpi nisgameoit.

Mo na sgato nesfisiog Nisgamg, neogtetjig ôgotj oesgjitjoltitj oagela nesisitjig neogti nisgameoitjig, neogtetjig ag oeleitjig.

Maoen gisigolog, maoen petjillitelmog slog; tetpi gisigoltitjig nagela nesisitjig neogti nisgameoitjig, tetpi sagmaoltitjig, ag mset gôgoel tetpamogsoltitjig.

Neogtitotitj ôgotj nagela onisgameoitloô; golaman neogtetjit Nisgam, mo sgato nesislog.

Negem pa Sesogoli temg mesoi agnotemolgosenel oagela mesgigel nisgameoitigtog gegtog oetapegel; gino elmoltigo teli etjelôltigo mo pa gisi gisitetemogol oagela teli gisiag. Sia-oio meloitj lôg meloalanetj Oestaoig tan teli oli pagtatatolgos mesta pōgō-nitpaganemiogeg. Pa sig ogtemeiel-

gotj gmelgi getlamsetemeneno, mo sgato seg gtagoeloltasoltineneno tan getel pa Gisolg telitotges laptjio gmiim-goatagoneno. Eln etjeleg mo ogpegigol ogsinogoagoneo tan sig gitjgatj getol eapasisitjel nagoselitjel.

Gepmi emtôgoalanetj. Metj nigetj. Getel pa nemitotes Gisolgoigtog tlei olôlti pemaogsitjig ometgioag.

Gesg oeli angôttemagol Gtjinisgam tan telgimolgol; netna getel oetji gtjijitigoto pa nenagat negem; sgato tan mo goetjôttemoagol Gisolgol tan tetgimsep seg ot: Nenag ag gis getjijigep; egsoet pa ag ogtininiigtog getleoei mo emnenog. (S. San.)

Tan oen pa sig neogt neotipongeg getol tgôtg gemnieotigtog, tlei eta alasotmôgoôm, eln tepetog menaganag tan oetji gtjijilemot, Inim eolitetj Ooctaolgol ogsaltingeocim petjili apjttingeocigtog tan oetsemolg gtjijigamitjina.

MAOPELTOOG

Lôg gisigoitog eta gegot gagemtel-naganiponateg tllisip sigentasis oentjoi otanigtog Port-Royal gigtjio Teoapsig sipogtog; gtegig 20 nespi sigentasoltisenig ogtjogsemigtoga; negem telototes Anli, oitjoisongeolalsepenel oentjoi elogeoltsenel Henri IV. Gtegig teli oisongeosenig Pôl, Mall, Loi, Malgelit, Glistin (13 tesiponateg), Elisapet (12), Lôpet, San (5), Glôt, Gattin, Sann, Nigola, Lois, Pelip, Saglin, Lene, Sannôt, Ann, ag tapositjig mōgoe migot-telmatjig.

Tôgo negem sagmao oeli pmi alasotmeoinois ag tlatjigmetogôs, lôg metj gesalaseniga oenotjga ag gionagati getol oli glnamoaseniga elnoi onitjan-ga; neogtetjigeg nagoeg telimasena Pô-alôg patlasa: 'Ge, notjinen, atignasi gil nenagi glnamael migmaoisimga, tôgo pagi agnotemoltogeg tan teli oetjoi alasotmamg ag nin apôgônemoltog oitjeoltos nespi melgi pogoatotesno nemetjinen alasotmaganigtog.' Etog tjel telasisepen pgitaogsisepen.

Oen telot: Gisigoisg mōgoeti oetmeiog olga? Gesg mataolag neotipongeg esgltogôoei olsgogootag ag miaolagôoei ag oelagôoei glapis 365 tes.; eptagan oagamalatj 1095 tes.; eli gisgatjalatj mitjoatjijitj osgoleoltilin tapo tesgis-geg glapis 180 tesogonag; mitjoatjijitj elismalatjel 1570 tes. ag piloei gôgoel telasitjel tanel mōgoetj oitememegel.